

呂氏春秋
一



呂氏春秋
二



呂氏春秋
三



Z121

1
:0582

呂

氏

春

秋

一

呂不韋
畢沅
輯校

00632

中
華
書
局

2121

1
: 0583 吕

60631

氏
春
秋
二

呂不韋
畢沅
輯校

中
華
書
局

Z121

1
:0584

呂

氏

春

秋

三

呂不韋
畢沅輯校

60630

中華書局

100-755000

叢書集成初編

呂氏春秋 三冊

中華書局出版發行

(北京王府井大街三十六號)

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN7-101-00894-1/K·367

呂氏春秋新校正序

兵部尚書都察院都御史總督湖廣等處地方軍務兼


勸業司三級事

漢書藝文志雜家呂氏春秋二十六卷秦相呂不韋輯智
略士作原夫六經以後九流競興雖醇醜有閒原其意悃
要皆有爲而作降如虞卿諸儒或因窮愁託于造述亦皆
有不獲已之故焉其著一書專覲世名又不成于一人不
能名一家者實始于不韋而淮南內外篇次之然淮南王
後不韋幾二百年其採用諸書能詳所自出者十尙四五
卽如今道藏中文子十二篇淮南王書前後宋之殆盡閒
有增省一二字移易一二語以成文者類皆當時賓客所
爲而淮南王又不暇深攷與不韋書在秦火以前故其采

綴原書類不能悉尋其所本今觀其至味一篇皆述伊尹之言而漢儒如許慎應劭等間引其文一則直稱伊尹曰一則又稱伊尹書今考藝文志道家伊尹五十一篇不韋所本當枉是矣又上農任地辨土等篇述后稷之言與亢倉子所載略同則亦周秦以前農家者流相傳爲后稷之說無疑也他如采老子文子之說亦不一而足是以其書沈博絕麗彙儒墨之旨合名法之源古今帝王天地名物之故後人所以探索而靡盡與隋書經籍志雜部呂氏春秋二十六卷高誘注誘序自言嘗爲孟子章句及孝經解等今已不見世所傳誘注國策亦非真本唯此書及淮南王書注最爲可信誘注二書亦間有不同有始覽篇大

汾冥阨解云大汾處未聞冥阨荆阮方城皆在楚而淮南王書注則云大汾在晉冥阨淮南作澠阨注云今宏農澠池是也先識覽篇男女切倚解云切磨倚近也淮南王書倚作踦注又云踦足也知分篇解云魚滿二千斤爲蛟而淮南王書又作二千五百斤至于音訓亦時時不同此蓋隨文生義或又各依先師舊訓爲解故錯出而不相害與暇日取元人大字本以下悉心校勘同志如抱經前輩等又各有所訂正遂據以付梓鳩工于戊申之夏逾年而告成若淮南王書則及門莊知縣所已取道藏足本刊于西安故不更及云

乾隆五十四年歲在己酉孟夏月吉序



呂氏春秋序

漢河東高誘撰

呂不韋者濮陽人也爲陽翟之富買家累千金秦昭襄王
者孝公之會孫惠文王之孫武烈王之子也太子死以庶
子安國君柱爲太子柱有子二十餘人所幸妃號曰華陽
夫人無子安國君庶子名楚其母曰夏姬不甚得幸令楚
質於趙而不能顧質數東攻趙趙不禮楚時不韋賈於邯
鄲見之曰此奇貨也不可失乃見楚曰吾能大子之門楚
曰何不大君之門乃大吾之門邪不韋曰子不知也吾門
待子門大而大之楚默幸之不韋曰昭襄王老矣而安國
君爲太子竊聞華陽夫人無子能立適嗣者獨華陽夫人

耳請以千金爲子西行事安國君令立子爲適嗣不韋乃
以寶玩珍物獻華陽夫人因言楚之賢以夫人爲天母日
夜涕泣思夫人與太子夫人大喜言於安國君於是立楚
爲適嗣華陽夫人以爲己子使不韋傳之不韋取邯鄲姬
已有身楚見說之遂獻其姬至楚所生男名之曰正楚立
之爲夫人暨昭襄王薨太子安國君立華陽夫人爲后楚
爲太子安國君立一年薨諡爲孝文王太子楚立是爲莊
襄王以不韋爲丞相封爲文信侯食河南雒陽十萬戶莊
襄王立三年而薨太子正立是爲秦始皇帝尊不韋爲相
國號稱仲父不韋乃集儒書使著其所聞爲十二紀八覽
六論訓解各十餘萬言

○梁伯子曜北云史記十二諸侯
年表序及呂不韋傳並云著八覽

六論十二紀以紀居末故世稱呂覽舉其居首者言之今
呂氏春秋以十二紀爲首似非本書序次愚案以十二紀
居首此春秋之所由名也漢書藝文志雜家載呂氏春秋
二十六篇不稱呂覽鄭康成注禮記禮運故聖人作則必
以天地爲本一節云天地以至於五行其制作所取象也
禮義人情其政治也四靈者其徵報也此則春秋始於元
終於麟包之矣呂氏說月令而謂之春秋事類相近焉正
義疏之云呂不韋說十二月之令謂爲呂氏春秋事之倫
類與孔子所修春秋相附近焉月令亦載天地陰陽四時
日月星辰五行禮義之屬故云相近也據此則自漢以來
皆以呂氏春秋爲正名至於
行文之便則容有不拘耳
備天地萬物古今之事名爲
呂氏春秋暴之咸陽市門懸千金其上有能增損一字者
與千金○梁伯子云太平御覽八百九卷引史記同此序
而百九十一卷引史云呂不韋撰春秋成胸於秦
市曰有人能改一字者賜金三十斤豈別有所據乎時人
無能增損者誘以爲時人
非不能也蓋憚相國畏其勢耳然此書所尙以道德爲標
的以無爲爲綱紀以忠義爲品式以公方爲檢格與孟軻

孫卿淮南揚雄相表裏也是以著枉錄略誘正孟子章句
作淮南孝經解畢訖家有此書尋繹案省大出諸子之右
既有脫誤小儒又以私意改定猶慮傳義失其本真少能
詳之故復依先師舊訓輒乃爲之解焉以述古儒之旨凡
十七萬三千五十四言若有紕繆不經後之君子斷一作
而裁之比其義焉

呂氏春秋附攷

序說

呂氏春秋序意維秦八年歲在涒灘

高誘注秦始皇卽位八年

秋甲子

朔朔之日良人請問十二紀文信侯曰嘗得學黃帝之所
以誨顓頊矣爰有大圖在上大矩在下汝能法之爲民父
母蓋聞古之清世是法天地凡十二紀者所以紀治亂存
亾也所以知壽夭吉凶也上揆之天下驗之地中審之人
若此則是非可不可無所遁矣天曰順順維生地曰固固
維寧人曰信信維聽三者咸當無爲而行行也者行其理
也行數循其理平其私夫私視使目盲私聽使耳聾私慮
使心狂三者皆私設精疑情則智無由公智不公則禍日衰

災日隆以日倪而西望知之

此呂氏十二紀原序其言近道故以爲冠冕

史記呂不韋列傳呂不韋者陽翟大賈人也太子政立爲王尊呂不韋爲相國號稱仲父當是時魏有信陵君楚有春申君趙有平原君齊有孟嘗君皆下士喜賓客以相傾呂不韋以秦之彊羞不如亦招致士厚遇之至食客三千人是時諸侯多辯士如荀卿之徒著書布天下呂不韋乃使其客人人著所聞集論以爲八覽六論十二紀二十餘萬言以爲備天地萬物古今之事號曰呂氏春秋布咸陽市門懸千金其上延諸侯游士賓客有能增損一字者予千金

案不韋著書之由惟此最詳且確太史公曰孔子之所謂問者其呂子乎真能灼見不韋本意後之言呂氏春秋者多失之